



59716

Kallom

Mag. St. Dr.

P

Fest. 4178

Lorenzovius Joannis Julii: Centuria emeriti-
tate virtutis militum e minimis Socie-
tatis Jesu Ordine





ANNO
SOCIETATIS
IESV
CENTESIMO

CENTVRIA
EMERITÆ VIRTVTIS
MILITVM.

E MINIMO SOCIETATIS IESV ORDINE.

A D
SÆCVLAREM TRIVMPHV
DECVRIATA.

VNIVERSIS EIVSDEM INCLYTÆ SOCIETATIS,
PATRIBVS FRATRIBVSq̃
E VOTO


IOANNIS IVLII LORENCOWICZ.
CONSVLIS ET ADVOCATI LEOPOLIENSIS
ARTIVM ET PHILOSOPHIÆ
BACCALAVREI

Consecrata.

LEOPOLI,

In Officina Michaelis Sloska, ARCHIEPIS: Typograph:

Anno Domini, 1640.




Mementote operum patrum, quæ fecerunt
in generationibus suis, & accipietis gloriam
magnam & nomen æternum,
I Mach: 4.

59716
III



INCLITÆ
SOCIETATI ES V.

 Abis veniam, Ordo Religio-
fissime, audaci quidem, sed
amico meo voto: ad solennē
tui triumphī Lætitiā, domestica tua
decora, solutos iā sacramento Hero-
as, hoc breui Libello, reuocanti: cum
pauciores literas, in eo numeraueris,
quam sint tua pignora. Imbecilitati
enim meæ, & angustię libri id conce-
des, quod non omnes concluderim,
cum tantum cælo capi omnes posse
videantur. Aspicias tamen Religiosa,
rum mentium beneuolentia, id quod
Sæculari tuæ Lætitiæ beneuoli cordis
attulit affectus, iustumq; duces tribu-
(tum

tum amoris, vt gesta tuorum ii narrēt,
quos tu verbis ad obsequia tua aliquā-
do iultruxisti. Neq; aspernaberis, Do-
ctissima Societas, si quid inconcinnū
tuo Sapientissimo aspectui attulero:
quando legimus, Metellum pium, eti-
am ineruditis Pòētis, aures suas dedis-
se, qui res á se ipso gestas vt cunq; ca-
nerent. Accipe igitur; Tabulas mutas,
ignaua Lineamenta, quæ animata tui
filii factis reddunt. Sæculoq; feliciter
peracto, æternos age sine nube dies.
sic tibi vouet deuota mente.

Religiosissimo tuo ordini Societas IESV.

Deuotissimus.

Ioannes Iulius. Lorencowicz.

SANCTVS IGNATIVS VERE IGNEVS.

VT arderet inter stipulas natus,
Vt luceret inter fulmina belli educatus,
Nec obscurus nec frigidus esse potuit.
Igne ex milite Imperator initiatur,
Vt ex mundi tenebris ad meliorē lucem aspiraret.
Infractis tibijs ignea vi è muro deiicirur,
Vt clarius resonaret
Incessit pede suspenso,
Ignis naturam sursum tendentis imitatus
Vt qui aspectu & affectu in cælos euolare debuerat,
Iam etiam corpore à terra abstraheretur.
Inter concretas stagni glacies ita calet,
Vt frigidū pectus impuri adolescentis virtutis ardore incēdat,
Iam tunc Hyperboreas hyemes soluere incipiens,
Qui septemtrionem primum religione inflāmare debuit,
Vertice radiante illustris,
Æterno præluxit splendori,
Quippe alienis clarus in oculis, obscurus in suis
Internaq; cordis incendia sursum petere ostendit,
Illo suaui superis thymiamate.

Sordet Terra dum Cælum aspicio.

HAnc lucem ita in cæteros diffudit, vt in se non minueret:
Institutum Societatis scribenti
Diuinum Pneuma in flamma apparuit;
Ne deessent fulmina cum lex scribitur,
Vel vt igneis linguis ignea lex dictaretur,
Vel vt scheda diuino altari toties velut holocaustū imposita,
Diuinæ acceptationis indices flammæ haberet,
Totiesq; lachrymis madefacta, nouo miraculo,
Vt olim Eliæ sacrificium flammæ, aquis perfusum conciperet,
Alterumq; Eliam nostri sæculi ostenderet,
Qui suos hostes flammis perdiderat.

A

Aquilus

A quibus ventilari potuit, extingui nonz
Iure dixeris Incendiarium cæli, terræq,
In cuius defuncti visceribus, lapides inuenisses,
Vt flammæ excuteres.

Cuius rogum, non inuersæ faces, sed cæli sydera illustrarunt,
Cuius funus, non aliis funalibus, quàm cæli tædis elatum est
Ad cuius Pyram, non aliæ inferiæ ceciderunt, quàm cæli lumina.

Cuius cineres, non alios ignes, quàm cæli texerunt.
Sic Ignatius extinctus, sydera cæli incendit;
Ipse verissima Apotheosi inter sydera relatus,
Auxit cæli ignes.

P. PETRVS FABER

Architecturæ Dei per S. Ignatium primus socius,
Substructionis SOCIETATIS prima petra,
Virtute illustris, non sanguine,

Quam ex vtero accepit, institutione perfecit;
Adultam exhibuit, quando vix inchoare potuit.

Sordes Veneris duodennis voto est execratus,
Antequam nosset.

Vrbium bono è campis,
Ad ingenuas disciplinas ab agolo,
A feris ad homines,

Cùm tamen nihil ferinum, nihil humanum haberet transiit;
Malarum incapax, bonarum artium avidus,

Eo Præceptore vltus est, Veliardo,
Qui humaniores disciplinas diuinas effecit,
Sed priusne didicerit, an docuerit, nescies;

Cum eo Magister interprete vteretur.
Adiunctus Ignatio, sic incaluit;

Vt maximo frigore hyemis non algeret,
Carbonum aceruo incubans, suo calore incendit.
Maior homine.

Sine cibo sex dies victitans,
Felix operarius, quos in virtute solidauit, nemo eorum deflexit.
Captus à Gallis, nec vinci, nec vinciri, optimâ mentē probauit,
Ex hostibus amicos effecit.

Destitutus

Destitutus corporis salute, animarum salutem curabat.
Sibi latro, & præda.

Alter Bias, qui omnia secum ferret,
Diuitias respuens, nisi quas in pauperes erogaret.
Cum plurimum laborasset, laborum audior.
Quo ardore eos inchoauit, eodem confecit.
Vrgente syrio, matura cælo messis,
Succisus est.

S. FRANCISCVS XA- VERIVS.

Orientis Apostolus

ALter Iosue

Qui solem immobilem fecit.
Alter Ezechias;

Qui solem ab occidente in orientem reuexit.
Felicior Iulio Cæsare.

Qui non urbem orbis victricem, sibi
Sed orbem vrbi subiecit.

Fortior Athlante;

Qui non cælum humeris,
Sed cæli futurū incolam, etiam dormiens tulerat.
Gloriosior Hercule;

Qui non ad Gades columnas ferreas posuit,
Non vltra suis laboribus progressus;
Sed qui cum orbis stadium sibi proposuisset,
Plus vltra progredi cupiens,

Religioni metam nullam esse voluit.
Iure Thaumaturgum nostri sæculi dixeris,

Qui cum innumera fecisset miracula,
Se ipso nihil mirabilius, facere potuit.

Æque prodigia loquens, ac faciens,

A quo viginti quinque mortui, ad vitam reuocati,
Hic superstes, inter viuentes numerari noluit.

Mortuus inter viuentes, sui corporis integritate viuit.

Id à viuæ calce habens, vt viueret.

Sanguinis sui in causa Dei prodigus,

A 2

Exsanguis

Ex sanguis, eundem è membris fudit;
 Vt ostenderet,
 Nunquam sibi defuisse Martyrii sanguinem,
 Et quem olim ad integritatem seruandam, fuderat,
 Eundem testem integritatis, haberet.
 Salsedinem maris, suauissimam effecit,
 Vt maris inundationem quasi lac sugeret.
 Cui in causa Dei, nihil insipidum fuit.
 Cum acerbissimis pomis aleretur, & vermiosam biberet,
 Imò saniem, nectaris instar gustaret.
 Nutibus Barbaros instruens,
 Disertissimus extitit, cum taceret;
 Et qui se elinguem fecerat,
 Esset vir omnium linguarum.
 Qui simul omnibus Linguis, vna voce loqueretur,
 Et quem vniuersæ linguæ loquerentur,
 Idem angustus, & augustus Deo extitit,
 Cum inclamaret, Satis est, & Amplius Domine,
 In portu Chinensi, portum caelestem inuenit.
 Toties iactatus tempestate,
 Æternam agit malaciam,

P. IACOBVS LAINIVS

Tertius S. Ignatii Socius.

Secundus Generalis.

Primus Magister.

Ingenium virute illustrius, virtutem ingenio fecit;
 Honores cum meruisset, contempsit.
 Plus demissioni, quàm meritis tribuens.
 Cum repudiasset Episcopatum Maioricensem,
 Archiepiscopatum Pisanum, & Florentinum,
 Postremò Cardinalatum,
 Prodesse omnibus, præesse nulli volens,
 Generalis SOCIETATIS factus,
 Se vno dolente:
 In quo vtilior esse studuit, quàm videri.

Fide,

Fidei causam reputans suam,
Semina eius voce iacens,
Sudore & lachrymis alluens,
Opimam messem, & mercedem retulit.
Quantum sibi diffusus, tantum Deo incubuit.
Pudorem quem in se inuiolatum conseruauerat,
Prostitutum in aliis, concionibus restituit.
Ambitionē perniciose ne in consanguineis lactaret,
Carpsit illis Christi.

Nescitis quid petatis.

Pluresne virtuti reddiderit, an dederit, ambiguum est;
Cum laboribus suis beasset mundum
Vitam verius mutauit, quam amisit.
Et qui mortuos ne in amnistia essent, in schedas retulit,
Inter viuentes, mortuus, viuit, sui memoria.

P. A L F O N S V S S A L M E R O N.

Vita & moribus claritatem, non genere quæsiuit.
In studiis prima ætate ita profecit, vt perficeret alios.
Ingenij claritatem, innocentie candore illustrauit,
Desiderium visendi exterarum oras,
Extra semet ipsum posuit
Et cum tantum hominem vrbs vna non caperet
Animus vniersum coplexus orbem,
SOCIETATI adiunxit.
Vt inde esset aditus, veram olympiam toto decurrere mundo.
Electus pro veritatis causa Patronus,
In Hyberniam suppetias fidelibus laturus mittitur,
Vt veritatē firmaret, errores eneruaret.
Henricum ibi minime timuit, quia ferre poterat.
Tridentino Concilio
Virtutum concilium attulit.
Singulas cum coleret, omnium factus Epitomē.
Primus Sententiam dicturus,

B

Primus

Primus factis pietatis præiuit.
Subtilitatem enim ingenij, splendorem virtutis,
Exuere nolens, regere nesciens,
Ostendit etiam sub sordido Palliolo, Sapientiam latere posse.
Amicus veritatis,
Hostibus fidei, hostis perennis exitit.
Quos voce, & calamo confecit,
Moribus fidem ornans, stilo defendit
Cum nec amaret viuere, nec metueret mori,
Cupiens dissolui.
Inter desiderij suspiria, expirauit.
Exemplum relinquens, quod ita vixerit,
Gloriam quod ita scripserit,

P. NICOLAUS
BOBADILLA

A sæculi Philosophia, ad Sanctiorem transiit philosophiã,
Illam ingenio docuerat, hanc moribus exercuit.
Paupertas ei necessaria, ad liberam dux fuit paupertatem,
Excurreisset S. Ignatij nuntiu in Indias,
Nisi ab ischiade ei set prohibitus,
Oeniponto, Viennæ, Colonia, cum suam nauasset operam,
Ex urbibus, in Castra transiit,
Vbi militum vulnera curans, lethale capitis vulnus accepisset,
Nisi paupertas in Petaso, suam duritiem opposuisset
E castris rediit, cum opima præda,
Solo indusio tectus,
Respuens & vittam, à Carolo oblatam, & Poderim pontificiã.
Quod nec vulneratum caput nec nuditatem pauperis,
Commode tegerent.
Si non fuisset liberæ caritatis, quam regularum tenacior.
Nunquam sic deflexisset,
Quanquam vt solem non pudet ex tenebris emergere,
Sic Bobadillam infecta reficere.
Nam qui partem postularat Magistratus.
Eum perennem, in æuum, & ultra concessit.

Pruden

Prudentia ita perspicaci fuit, vt callidior visus quibusdam sit.
Virtutes quæ in aliis singulæ, in illo singulares fuere.
Inquilinus ad ædem Deiparæ,
E cella ad cælum transit.

P. SIMON RODERICIVS.

L iteris infra probitatem, nihil habuit carius.
Vt Christi vestigia legeret.
Hierosolymam adire statuit.
India cum Xauerio, cum Apostolum habuisset,
Nisi Lusitania his titulis præuenisset.
In Patria diu versatus, extra se nunquam.
Pluris pietatem, quam gratiam æstimans,
Nequitiam nec in plebe, nec in Principibus dissimulauit.
Vincentium Rodericium, ex eius sinu Brasilia accepit,
Eius precibus, Consaluum Silueriam Monomotapa debet.
A Ferdinando Litentiato, licentiose tractatus.
Vlcisci cum posset, noluit.
Nouo genere victoriæ, victor.
Nihil de hoste sumens, præter patiendi gloriam.
Cecidisset in ascensu supino montis,
Nisi vel somniantis Ignatii humeris se bueheretur.
Et nisi Lusitaniæ præposuisset, Hierosolymam.
Tandem meritis, & ætate grauis,
E Patria redijt in Patriam.

P. CLAVDIVS IAIVS

Gebenensis Theologus.

N on ad vnus Ciuitatis gloriam natu
Balneoregio Concordiam:
Brixie Fidem.
Fauentiae Pietatem:
Ingolstadio doctrinam intulit,
Suppliciis deleri potuit, non terreri
Prærupta Danubii minime timuit,
Quod æque terra ac aqua, ad cælum peruenire posset.

Aconita ei minime nocuerunt,
 Quod venenis errorum, medicinam veritatis attulerat,
 Cum omnibus consentiens, in hoc dissenfit,
 Quod laicum nolle esse Tergettinum Episcopum.
 Aula illi Ferrariae grauis extitit,
 Quod non didicisset esse leuis.
 Pedores Xenodochii libentius quam aulae odores pertulit;
 Quod illi de Rosa essent,
 Hi de Ocimo.
 Prouidus futurorum, primus suasisit seminaria,
 Ob vitae integritatem Angelus;
 Ob laboris magnitudinem Apostolus;
 Ob affectus teneritudinem, Pater Catholicorum dictus.
 Cum labòrasset apud Italos, Bauaros, Sueuos,
 Vienna in cælum reuectus est.
 Cui viuenti Encomium Academia Ingolstadtensis cecinit,
 Mortuo Epicedium effleuit.

P. IOANNES CODVRIVS

Primus a S. Ignatio professus,
 A ieiunio vitam religiosam orditur,
 Penitentiae præco futurus.
 Sui cognominis S. Ioannis Baptistæ,
 Natus, Sacris initiatus, & mortuus die,
 Annorum numero eidem compar.
 Dignus nomine Ioannis, qui vitam exprimere curauit.
 Virtus quam in Fabro suspexit,
 Eum ad Societatem I E S V traxit.
 s enim suspicere, se despiciere consueuerat.
 Quos verbis accendebat, accendit exemplis
 Vocem factis corroborans,
 Ne magis esset in dicendo, quam in agendo discrus.
 Redux ab aula, ita vixit,
 Ac si nunquam inter aulicos fuisset:
 Ad ædes S. Petri in Ianiculo, S. Ignatio mortuus apparuit.
 Cui iam cæli Ianus, cælus aperuerat;

In pon

In pontet:
Qui vada mūdi, securus transierat:
Inter Choros Angelorum,
Quos candore æmulabatur.

P. P A S C H A S I V S
B R O E T V S.

Virtutem quam cum Lactē combiberat, ætate corroborauit.
Sacris ordinibus initiatus, Societatis ordini adlectus est.

Nuntius Apostolicus in Hybernā,
Dum virtuti ad homines aditum explorat,
Pro Exploratore capitur.

Energumēnos liberat, pænitiæ Sacramentos;
Fugientibus iis, quos nunquam pænituit.
Athiopice misioni aptissimus iudicatur,
Quod candore suo, illis prodesse posset.

Vt vocaretur, elsetq; Angelus,
Innocentia simplicitasq; fecit.

Conuitia, ludibria, audissimis auribus excipiebat,
Quod symphoniam putaret.

Quietem ademit sibi, ut alij securius quiescerent,
Vitæ minime tenax.

Quam eam non amaret, pestilentia demonstrauit,
Suorum enim incolumitatem negligere nesciens,
Suam tueri non valens,

E terris, ad superos Palcha peregit.

B. F R A N C I S C V S
B O R G I A.

DVx Gandiæ,
Præpositus Generalis Tertius, Societatis Iesū
Regalis Sanguinis propago,
Regimini nata.

Nunquam se Ducem credidit, nisi se subderet sibi.
Ioanna Aragonia votium peperit,

C

Vt dono

Ut dono Dei nasceretur;
 Ceteros enim natura donat, Heroas Deus,
 Auspicato ei coniugium celsit.
 Cum maximo genitori, non minor succederet proles,
 Verum maritales tædæ (vt solent) ne afferrent tædium,
 Extincta Ioanna, suppressæ sunt.
 Et ex coniugali thoro, ad proprii corporis subiugandos toros,
 Ducem transtulerunt.
 Sicq; amorem soli Deo initiauit.
 Vt in nouum hominem renasceretur,
 Corruptionem suam in Isabellæ vermibus speculatus;
 Mortuus Mundo, Deo genitus est.
 Poteratq; dicere putredini,
 Pater meus es, Mater mea vermibus.
 Societatem vel ideo præcæteris elegit,
 Quod dignitatibus, & ambitioni, in ea locus non esset.
 Lætiorum diem nullum habuit,
 Quam cum se omnibus expoliasset.
 Sacris initiari sui iuris, & diuitem,
 Ad adita illotis manibus, irrumpere existimabat.
 Honoris tituli oneris illi instar grauissimi fuere.
 Locum profundæ humilitati infimū non inueniens,
 Sexennio ad ladæ pedes accubuit;
 Se vnum habuit quem contemneret, vnum quem non amaret;
 Purpuratis vt adscriberetur,
 Meritorum faciebat suffragium,
 Vt effugeret, demissio.
 Cum omaibus æque, ac omnes illi subesse cuperent,
 Generalis Societatis creatus,
 Prodesse cum præset voluit;
 Toam Lenitatem seruabat alijs
 Sibi rigidus.
 Societatem cum plurimum auxisset,
 Qui quotidie vigesies quater moriebatur.
 Legatione perfunctus Pontificia,
 Vita defunctus est.

B. ALOYSIVS
GONZAGA

Marchio Castilionensis.

Parentum Pietate promeritus,
Numinis beneficentia datus,
Ingenti prodigio natus est.

Vt Principum prodigiū, prodigio nasceretur.
Diuinus enim ortus, mortalis absolutionem in eo præuertit;
Vt ab ipsis maternis visceribus, Deo consignaretur.

Virtutem cum lacte combibens,
Eam fecit sibi collataneam.

Incertumq; fuit
An in eo differret natura, à virtute.
Acerbus annis, maturus imperio.

Spe gerebat populos cum adhuc gestaretur.
Virginitatem Deiparæ. inuiolatam, voto sacrata.
Sic ratam Deus esse voluit,

Vt omni sensu motuq; libidinis, careret.
Ad videndum Deum, se creatum reputans,
Nihil dignum oculis suis, existimabat.

Ipse dignissimus omnium oculis;
Solitudinem cum maxime amaret,
Cum altero sexu, nunquam colloqui solus voluit.

Societatem IESV, ideo complexus,
Quod salutis esset omnium memor, non immemor suæ.
Reluctantem Patrem sanguine & lachrymis fregit,
Calcaribus semet incitans, cum freno indigeret.

Homine maior, in Diuina consurgens,
Inter homines nihil nisi cæleste
Nihil humanum inter cælites sapiens.

Romæ cum toties daret spectaculum,
Virtutes omnes, tanquam in theatro circumferens.
Cum cælitum vitam, transtulisset in terras,
Dignus visus est, qui transferretur in cælum.

B. S T A N I S L A V S,
K O S T K A.

P O l o n æ indolis imago;
Senatorii sanguinis germen;
Puer virtute Gygantæâ.
Amoris cursor, vera ludens Olympia.
Ex fugi victor, fugaci Partho nobilior
Iam inde magnus, vnde vix esse capit.
Innocentiam ætate non minuens,
Humaniores disciplinas ad diuina transtulit,
Cum ei scribendi materia, sola MARIA esset.
Fraterna in odia incurrit,
Quod ei esset dissimilis.
Domesticos expertus hostes,
Fidelem amicum Deum,
Qui in Societatem Filii sui cooptabat.
Fuga igitur salutem quærere cogitans,
Delapsam salutem cælo, prodromum habuit.
Vt è morbo reuiuisceret,
Vitam pro medicamento sumpsit.
Vt Romam Triumphator subiret,
Herculeos præmisit, cum Cerbero labores.
Ne quadrigarius frater, fugitium alsequeretur.
Aligeri viaticum amorem, & alas subministrarunt;
Iamq; cursus sui exordio, brauium accepit
Sua brachia numine implens.
Cum rustico habitu, nobiliorem hominem induens,
Sine Alcibiadis Sileno,
Animi pulchritudinem, latere posse ostendit.
O verum transfugam terræ;
Qui compendiarîâ fugâ
Multæ ætatis, stadiodromos superauit,
O Lampododromum?
Qui lampada æstuantis pectoris,
Ex Laurentii flammis, accensam,
Instadio detulit.

ô Dignû

O Dignum Ignatio filium?
Cuius charitatem aquæ multæ, nec flumina,
Obruere poterant.

IOANNES BER-
CHMANNVS,

Bonorum Parentum, optimus filius,
Virtutis non diuitiarum hæres,
Nataliciis lachrymis, humanæ miseræ non prælusi?
Quod nihil dolendum in vita vellet habere.
Maturitate penè immatura,
In virtute succreuit.
Primam personam Danielis in dramate sustinuit,
Patronus castitatis, tota vita futurus;
Fingere nesciens,
Cum ad Sanctorum normam se effingeret,
Pœtam egit.
Non Circeis Præstigiis,
Sed casto aspectu,
Christianas methamorphoses in aliis effingens,
In Societatem à Deo vocatus, libens accessit:
Vt sibi vacaret, & ceteros non negligeret
Ita in ea vixit
Vt imitari qui eum veller, peccare non posset;
De peccatis meditando, aridus exstitit,
Cum non haberet, de quo ingemisceret.
Perfugii Ciuitates, duas sibi crexerat,
Vulnere Christi Crucifixi;
Et pallium Reginæ cæli.
Temporis tenacissimus, vt impensius Deo seruiret;
Corpori suo damna intulit,
Cum non haberet Tyrannum.
Suauissimus dictis & moribus,
In quo nec fel à medicis inuentum.
Cum vitam plus quàm humanam ageret,
Medicis sic enunciantibus
Diuinitus moritur.

D

B. BAL.

P. BALTHASAR
ALVAREZ

Sanctitate & Sapientia clarissimus,
Dignam senio egit pueritiam,
Cum nihil puerile ageret.
Mundi illecebras crepundia existimans,
Simul cum nucibus abiecit.
Prætextam SOCIETATIS sumens,
Virilem induit animum.
Ita auulsus à suis,
Vt nec patrem, nec patriam nominaret,
Quod Melchisedech haberi vellet:
Sensus continua mortificatione insensibiles effecit,
Cum septem horis, oculos immobiles teneret;
Solo spectaculo Virginis Matris contentus.
Paupertati indiuiduum Comitem, prouidentiam Dei adiunxit,
Existimans, non esse inopiam, timentibus eum.
Sanctæ Theresiæ à confessionibus cum fuisset,
Illius virtutem defendit acrius, quam alii suam.
Se ipsum despiciens, in Sanctis suspexit.
Virtutem cum daret aliis, non ademit sibi.
Ita Socios excoluit, vt similes sibi faceret:
Ita assuetus æumnis, vt amaret:
Qui aliis Angelus, in via Dei extitit,
Angelis ducibus, in itinere vsus est.
Cum nemo ex viuentibus tunc esset illo Sanctior,
Debitam meritis sedem,
Quam Sancta Theresia diuinitus ei paratam viderat,
Ieiunio debilitatus,
Ministranti Christo conuiua accessit.

Emin: Card: Robertus Bellarminus.

Illustre sydus, vniuersi orbis,
Cynthia matre genitum,
Marcello secundo, affinitate carus,

Virtute

Virtute carissimus.
 E Paupere religioso Societatis,
 Purpuratus Pater.
 Cui religiosam personam, purpura non detraxit.
 Cum latebras quæreretur,
 A Deo proditus.
 Doluit eo se deuenisse;
 Vbi placere non posset, Deo & hominibus.
 Selectus veritatis causæ patronus,
 Humanis legibus obstare paratus, si obstarent diuinis;
 Acque infensus, Hæreticis, ac Hæretici fidei;
 Vtilis cum errores eorum detegeret,
 Vtilior cum radicitus euelleret.
 Ita hostibus timendus, vt eum sustinere non possent;
 Ita amicis iucundus, vt satiari eo non possent,
 Cum summa dignitate, maximam iungens humanitatem,
 Materiam sui præconiij esse voluit,
 Omnis caro fœnum & omnis gloria eius sicut flos agri.
 Diuitias negligens, nisi quas daret egentibus.
 Capuæ oblatam insulam,
 Ideo accepit quia recusare non potuit,
 Tunc deposuit, cum primum potuit.
 Voci suæ libertatem nunquam ademit;
 Ne veritati iniuriam faceret.
 Ita liberalis, vt etiam mortuus,
 Ne vltimam guttam sanguinis sibi reseruaret.
 Vitam quam alijs precibus produxit,
 Non illibentius deposuit, quam alij fouerent,
 Circumstantibus Socijs I E S V,
 Quos in vita habuit carissimos,
 Sub purpura verus religiosus,
 E Collegio Cardinalium, ad Collegium Beatorum translatus.

Emiñ: Card: Franciscus Toletus.

Princeps Romanæ Curiaë,
 Cum omnium ingenia collegisset in suo,
 Prodigium habitus, est ingeniorum.

Illustrauit virtute prodigia, prodigijs virtutem,
Societatem I E S V ingressus,
Per virtutis templum ad honoris peruenit:
Illud vnicum curans,
Vt quo sublimius ascenderet, eo clarius emicaret,
Virtuti & doctrinæ eius,
Encomiasse Homero non opus est,
Cum id maximi pontifices, præstitissent.
Veritatis Præco
Principibus (quod mirum) non displicuit
In Polonia & Germania.
Christianus Feclialis
Geminis anguibz Mercurij, virgam interposuit,
Inedia quadragenaria quot annis consueta,
In honorem Virginis Assumptæ debilitatus,
E statione discessit.

P. A N T O N I V S
C R I M I N A L I S.

Societatis Protomartyr.
Florem ætatis Deo consecratum,
Vt maturesceret sudoribus alluens,
Sanguine etiam irrigauit.
Commorini quadriennio, minime ociole commoratus est:
Securitatem vt alijs daret, sibi rapuit,
Nunquam se afflictum indoluit,
Intentus quid adhuc posset pati,
Quadrages quotidie genibus flexis, Deum adorauit,
Vt duplicatum vectigal pro singulis horis penderet.
Pacis amantissimus,
Arbiter iudexq; communis habitus, controuersiarum.
A Barbarorum furentibus turmis, interceptus,
Ea securitate in acie constitit,
Vt expectasse supplicia se doceret.
Vuñerato sinistro latere,
Vno vulnere ingens animus, exire nequiuir.

Obuio

Obuio pectore vulnera excepit,
Ne auersis vulneribus, inglorius Christi miles esset,
Vestibus spoliatus, etiam subuculam manu propria detraxit,
Quod satis sibi esset, esse purpuratum sanguine.
Subuculæ & capiti è pertica suspensis æquius quam Saladino
Adscribes.

Restat ex Orientis Victore.

P. CONSALVVS
SILVERIA.

BEatus futurus,
Matre Beatrice natus,
Quæ cum nouem liberos, numero, & sublimitate, cælos æqua-
Consaluum decimum, dum parit, perit. (tuos peperisset,
Vagitu & lachrimis, triduo ante natiuitatem
Pænitentia prælusit.
Nobilitatem quam acceperat nascendo,
Vita fecit amplissimam, morte immortalem.
Sibi ipsi iuratus hostis,
Vexillum crucis secutus est,
Vt contra se militaret.
Ita mores perfecit suos,
Vt aptus Sancto Ignatio videretur, qui perficeret alienos.
In nouum orbem missus, vt nouo pasceret virtutis spectaculo,
Et nouū orbē senescentē in erroribus, industria sua innouaret.
Potestas Prouincialis ei demandata,
Patrem omnium fecit, & seruum
Mercatorem se sacrum existimans,
Sortem diuini sanguinis, in Dei negocijs, ac lucris exercuit;
Venas auri in extima superficie terræ calcans, contempsit.
Vt venas cælestis thesauri, aperirer.
Regia dona respuens, nihil regium, sed ipsum Regem
Se velle ostendit.
Vt Dei Filio in Palatium regis Monomotapæ pateret aditus,
Dei Parentem primum induxit,
Veneficus à Mahometanis creditus,

E

Qui

Qui venena Mahometis, auferre venerat,
Rex quem Lymphis Sacris perfuderat,
Lymphatus morti eum addixit.
Noua tunica, & candido amiculo indutus,
Nuptias Agni immaculati expectans,
Intercluso spiritu, liber cælorum incola, euasit.
Ad eius tumulum Inferiæ 50 Christianorum
Quos sua manu baptizarat,
Ceciderunt.

P. G A S P A R
B A R Z A E V S.

N Ascendi fortuna Seruus,
Dei mancipio Rex.
Sancti Xauerii in laboribus Socius,
In munere Succedaneus,
Ita eum zelo & moribus expressit,
Vt vidisse probaret.
Nutantes in mari, suo aspectu firmauit;
Armuziam conspectu tremefecit,
Agnoscente Tartaro, quod mētes mouere venerat.
Insomnem mala paradisi, non Hesperidū fecerant.
Nequitiam eiiciens,
Virtuti locum, etiam ære conduxit:
Æque beneficus, cum illam expelleret, hanc aduocaret.
Cum se deprimeret, eleuari meruit,
Vel ideo, vt melius;
Ex specula alienis incommodis prouideret.
In hoc virtuti subiratus, quod latere non posset.
Parabolam de ratione ponenda, cum seruis explicans,
Ad reddendam è suggestu, ab apparitore morbo, vocatus,
Indoluit, quod in culcitra moreretur,
Gauisus quod die Sancti Lucæ,
Vel ideo, quod ille D. Pauli Apostoli gentium Socius,
Ille vero Apostoli Indiarū, S. Xauerii indiuiduus comes, obiret.
Sic qui strenue vixerat, in acie moritur.

P. EDMV.

P. E D M V N D V S
C A M P I A N V S.

EDmundum Londino, cælum dedit,
Cælo, Anglia reddidit.

Patriæ simul amicum & holtem,

Amicum, vsq; ad aras,

Holtem pro aris.

Errore suo felix,

Cum perniciosa quæreret, salutaria inuenit,

Miserandus, quod ambitione seduceretur,

Mirandus quod à tenaci malo resipisceret,

In Hybernia Luci suæ tenebras quærens,

Mores cum solo mutauit.

In Societatem dum se recepit,

Ita virtutem exercuit,

Vt posset omnia tolerare:

Martyrç videri antequam esset.

Patriæ suppetias laturus,

Ab amicis, ad hostes delatus,

Cum displiceret veritas, in odia incurrit.

Captiuus, carcerem suum, Lyceum effecit:

Sæpiusq; congressus cum hoste, semper victor.

In suppliciis æque fortis, ac hostis ferus

Cum sanguine suo, hostium manus, satiasset,

Fide integer, in frustra sectus,

Dei victima factus est.

P. R V D O L P H V S
A Q V A V I V A.

DVcis Hadrianorum Filius,

Claritatem virtuti suæ, & maioribus debuit.

Animus Mundo maior,

Extra mundum eum posuit.

In SOCIETATEM IESV cum transiret,

Liberalitatem sine delectu exercuit,

Proiiciens non distribuens mundi bona,
 Utendumq; tunc docuit
 Inconsulta donatione.
 Regem Mogorum, cum triennio excoluisset,
 Sui ipsius non desit esse colonus.
 Apud Regem cum omnia posset,
 Sola licere sibi laudanda credidit.
 Inter delicias regales, paupertatis memor,
 Ea sanctitate vixit,
 Ut Angelus esse crederetur.
 Precandi studio ita assuetus,
 Ut non alia quiete indigeret, quam orationist
 Sapeq; Sol oriens eodē vestigio, cum inueniebar,
 Quo occiduus reliquisset.
 Salsetanum agrum, Deo subacturus
 A Barbaris circumuentus,
 Mori maluit, quam fugere.
 Succisis genibus, tunc primum procubuit;
 Cum stando mori non posset.
 Diducta veste ceruicem vulneribus obiecit,
 Ut profundiores cicatrices essent,
 Iaculo ad extremum in pectore confixus;
 Metam, ad quam tota vita collimauerat,
 Attigit.

P. ALPHONSUS CASTRIVS.

OLissipone cum soluisset, in Indiam,
 In Societatis IESV portum, anchoras iecit;
 Initio nauigationis, periculum adiisset,
 Tempestate fraterna, è naui extractus,
 Nisi se amore fratris exonerasset.
 Negans cum esse sibi fratrem, qui fugienti a sæculo esset remora.
 Commeatus itineris emendicatus
 Prælusit illi abstinentiæ, quam tota vita tenuit,
 Cum in Molucis abunde laborasset

A Maho

A Mahometanis interceptus,
Tormenta siccis oculis excepit,
Quod ea non timeret, quæ amabat.
Malensq; capite carere, quam fide;
Securus sub securi, concidit.
Mari commissus,
Qui satis acerbè in terris, iactatus fuerat,

P. PETRVS CANISIUS

Consulis Nouiomagensis filius,
Consul Religionis Christianæ futurus.
Primus è Germanis, vir germanæ virtutis,
Nondum nata Societate, eidem ex vaticinio natus.
Orgiorum festa, Nazareorum abstemia celebrauit,
Qui pronubas tædas, vitare debuerat.
Seuerus sui Censor,
Qui in tabulas quolibet die, factorum rationes referret,
Canis Austriacus, ab Hufsitis dictus,
Quod tam agendo, quam scribendo, non taceret.
Nouatores moribus damnauit antiquis.
Quod neminem formidaret, neminem contemneret,
Illo terribilis, hoc amabilis.
Omnium honorum capax, nullius cupidus,
Fidei amantior, quam sui;
Et legenda scribens, & scribenda faciens:
Idoneus orator, qui quæ diceret, probaret exemplis.
Mutus in suis laudibus, facundus in alienis.
Authoritatem virtute, & eruditione stabiliiuit;
Assentantium laudes, magis quam calumnias fugiens.
Aetate & meritis grauis,
Cum vitam non amaret, fata non timeret,
Silicernio medicamentis non esse opus affirmans,
Immortalitatem promeritus,
vitam mutauit.
Non amisit.

P. AEMILIANVS
LOIOLA

S. Ignatii ex Nepote filius;

Ex propinquò discipulus.

Patrùo sanguine carus, virtute carissimus,
Pontificis aulicus futurus, in urbem venerat,
Inter eos cõnumeratus est, qui maxime sunt Pontificij.

Splendoribus humilitatem præferens,
Aulam sæculi reliquit, cupiens ignorari.

Vt se melius nosceret

Vt esset Aemilianus, æmilian illi cordi fuit.

Cum plurimum in causa Dei laborasset,

Fæcundus ingenio facundus eloquio,

Vt fluidam ostenderet suam dictionem,

Dignumq; oratorem, cælesti purpura,

Rupta arteria, ex contentione dicendi,

Purpuream reddidit animam.

P. ANTONIVS
ARAOZIVS.

PROpinquus S. Ignatii,

Vt magis propinquus esset,

Quem vincere non sperauerat, imitari curauit,

Primus post primos, decem professus,

Secundus in Societate, primus in Hispania Prouincialis.

Aduentu suo in Patriam, virtuti aditum fecit,

Meliorem relinquens, quam inuenerat.

Ex vrbibus in campos, suauis suada homines pertraxit;

Vrbibus vrbanitarem restituit,

Aulæ constantiam:

Quam si piam non inuenisset: efficiebat.

Aulicam existimasset, quod diu in aula vixerit,

Nisi quod nihil aulicum, omnia religiosa haberet.

Ipsè immutabilis in alijs Methamorphoses effecit,

Nempe

Nepe exm aulico equite, equitem rari exempli.
Inter vitiosos quod nihil vitij contraheret,
Alexipharmaco ex herba confecto,
Omnes Socios, contra omnia vitia, præserruari aiebat:

Timorem Dei,

CHRISTIANO aulicismo, intelligens,
Ita carus Principibus, vt ipsimet illi obsonarent,
Ex palatijs ad Xenodochia, non inuicem Principibus ostēdit,
Sibi vero, è terris ad cælum.

P. A N T O N I V S M A D R I D I V S.

Mellitus plane homo,
Non quod in oppido Beierio à melle dicto natus,
Sed quod singularem moribus, indiderit suauitatē.
Patria non moribus villanus;
Secessit in vrbes,
Philosophiam humanam dum scrutaretur, Diuinam inuenit.
Ab ingressu Societatis, metus tristioris vitæ eum retardauerat,
Attrita Religiosa vestis, exultare gaudio fecit.
Aquam cribro è fonte petens, nihil aquæ,
Humilitatis & meriti plurimum tulit,
Sibi vni durus,
Semet ipsum impugnabat,
De se ipso etiam triumphauit.
Asthma difficultatem illi respirandi attulerat,
Sed commoditatem, præmeditate expirandi.
In flagellationibus hebdomodarijs,
Supra vestem flagellum expediens,
Ita imperante obedientia,
Plus animo, quam corpore sensit.
Facundia scelestos deterruit, pietate fregit.
vocem lachrymis interrompens,
Fecit incertum, flendone magis profuerat, an dicendo.

Idea virtutum:

Disertissimus miserabili suâ facie semiuiua,
Virtutis lineamenta, in auditoribus imprimebat.
Deficiente natura, nunquam laborare defecit
Calendis Ianuarij, postremo concionatus,
E suggestu ad lectum deportatus,
A Calendis Aeternitatem exorsus est.

P. IACOBVS EGVIA

Hospes Sancti Ignatij.
Hospitalitate id meruit,
Vt esset è numero domesticorum Dei.
Profusus in homines, non avarus in Deum.
Cum hominibus dedisset omnia, se ipsum dedit Deo.
Aequus sui aestimator,
Aut parum, aut nihil, valere se existimans,
Nummum detritum, vocitabat.
Qui non nisi bonis immistus recipitur.
Omnium sensit incommoda,
Miserosq; audiens, felices dimittebat.
Confessarius Sancti Ignatij,
Et singularis ipsius Encomiastes,
Si vel vnâ horam Sancto Ignatio superfuisset,
Plura de eo habuissemus.
Sed potentiora Ignatij humilitatis,
Quam Iacobi, vota caritatis,
Sesquimente Eguiam, in cælum præmiserunt.

P. FRANCISCVS VILLANOVA

Victor sui ipsius,

Nunquam cum alijs, semper secum rixatus.
Cum libertatem obedientiae cruci suffixisset,
Omnem impetum hostilem fregit.

Trigesi

Trigesimo ætatis anno Grammaticæ,
 Toto ætatis tempore, non vltra Dialecticæ.
 Limen attigit.
 Tantum tamen profecit:
 Vt Torres plus sub Villanonæ Magisterio, 30 diebus,
 Quam à Theologis 30 annis didicerit.
 Peruigil sui, & suorum cura,
 Ramirio Vegara, Angelum custodem fecerat,
 Fiducia, Dei beneficentiam prouocans,
 Docuit esse prodigam.
 Verum germani amorem demonstrans,
 lumentum agere iussit,
 Vt Deo subiugalem faceret.
 Vitam cum moribundis daret,
 Virtutis non ætatis, peracto curriculo,
 In meta constitit.

P. A L P H O N S V S
 C Y P R I A N V S.

EX primis lapidibus Romanæ Domus.
 Deuexa ætate, Societatem complexus,
 Adultam virtutem, in vltimum orientem deuexit.
 Sancti Thomæ Coloniam, opera sua excoluit,
 Felix Colonus:
 Sub quo fides, & pietas reffloruit.
 Ad sentinam detrusum dixisses,
 Nisi eam exhaustisset,
 Vel deficasset suis ardoribus:
 Confluentibus enim improbis eo Christianis,
 Illud propheticum ingeminabat,
 Commaculastis nomen meum & poluistis in gentibus.
 Asilum iure dixeris probis, flagellum improbis,
 Cum in pœnam,
 Ex Lusco faceret cæcum, ex balbo mutum.
 Ad Kalendas Sextiles,
 Cum vincula Apostolorum Principis, veneramur,
 G Conscius

Conscijs suæ libertatis,
Nexu corporis solutus est.

P. A L P H O N S V S
A V I L A.

Hispalensis Collegii primus accola.
Parentis sui videndi desiderium,
Nouo paupertatis, pauit spectaculo:
Patriam ingressus, vt amorem patris opprimeret,
In Xenodochium amoris Dei diuertit
Exclusus inde ianuis iam clausis,
Stratis humi membris,
Suauius quam in culcitra molli recubuit:
Sic diuino sternente amore.
Cum nunquam se minimum doleret,
Indoluit, quod minimus, esse non posset,
Basilii Magni sibi nomine impolsitot
Verum amplissimi nominis capacitatem, virtute exæquans,
Se magnum in minimis fecit.
Cuius concionis frequentiam, cum templa non caperent,
Nec ipsa Granata Basilium,
Dignam magnitudine sua sedem,
Basilius in cælo occupauit.

P. C O N S A L V V S
V A Z I V S D E M E L L O.

COnimbricensis Rhetor
Stradæ Concionibus, Orator Christi factus.
Id effecit dicendo,
Vt theatra vacarent, in templis Deo vacaretur.
Dialecticæ Professor,
Compressam dexteram, sic in opus explicuit,
Vt nunquam eum vidisses ociosum.
Prudens Mycerinus:
Qui noctes in dies, laboribus conuerterat,

Breues

Breues existimans dies,
Cum pro æternitate, est laborandum,
Qui se omnium Patrem & seruum fecerat,
Omnium amorem promeruit,
Omnibus medicamina prouidentibus,
Cum mors vinci nequireret,
Tabes corpus, non animum consumpsit.

P. IOANNES CARRERA.

Corporis magnitudine,
Virium robore,
Magnitudini animi suppar,
Cum Deo, damoneq; luctatus,
Hunc vicit, ab illo victus est.
Larvam enim per fenestram intrantem, ferro domo abegit.
Deo intima cordis intrante, patria domo abactus est.
Sicq; victori Deo:
Trophæum de se ipso, in Societate IESV, per sexenniū crexit.
Pænitentium causis intentus,
Aures suas nemini obstruens,
Audiendo plus profuit, quam dicendo.
Perire nesciens, cum in omnibus mēbris non esset,
In cerebro per tredecim annos, integer mansit.
Docens;
Etiam post fata se aliqua sui parte viuere.

P. L V D O V I C V S M E D I N A.

ET genere & moribus clarus.
Animi tranquillitatem,
In Italia inter arma quæsiuit,
Ex Hispania in vltimum orientem prosecutus est:
Cumq; assequi non posset,
SOCIETATEM IESV ingressus,
Quod foris quæsierat, intus in se ipse inuenit.
Ex milite Sæculi, Christi miles factus,

Gloriosior quod in hac virtutibus, in illa armis enituerit,
Merere Christo cum capisset,
Famæ & honoris stipendiis meruit.
Et qui olim Cohortes militum duxerat,
Iumentorum turmas egit.
Imo ipse iumentum Christi factus est.
De se ipso cum triumphasset in terris,
Capitolio cæli, receptus est.
Incorrupta lingua decennio,
Nunquam corruptæ veritatis ab eo testis remāsit.

P. CORNELIVS
VISHAVÆVS.

Optime educatus, ad optima.
Virtutem artibus, ita coniunxit,
Vt leuitatem earum, sua grauitate corrigeret,
Cum claustra religiosa, hominibus repleisset,
Id quod aliis suasit, in se ipso expressit.
Societatem ideo amplexus,
Quod firim sui Zeli, in ea explere posset.
Fabrum suis precibus, ne Louanio discederet.
Pertinaci febri detinuit.
A Fabro vt ædificio Dei quadraret,
Optime exercitatus,
Nihil humanum sapere,
Solam humilitatem nosse, de sola loqui.
Vnde illud effatum:
Vt mundus ex nihilo creatus est,
Sic mundus virtutum, in animo, ex nihilo producitur,
Humilitatem intelligens.
Obedientiæ cum oculos ademisset,
Vt instar talpæ, cuniculos vsq; ad radices humilitatis ageret.
Vbi excessit, oculis reueratis,
Ita migravit è viuīs,
Vt viuere videri posset.

P. IOAN.

P. IOANNES BAPTI-
STA BARMA.

Theologiæ Professor,
Vt eam vita proficeretur,
Societatem complexus,
Modestix & pietatis traduces,
Solo aspectu in alios deduxit.
Bonus Orator voce, melior manu,
Vnde voci pondus,
Lachrymis, & suspiriis,
Spiritus auditoribus inspirans.
Deo non quasi penula, vtendum admonebat.
Bernardum existimasses, cum Guilelmo,
Si vidisses, pacificam hostiam tenentem,
Vt inter hostes, pacem, pacis Deus reduceret.
Cum ob suorum ærumnas, magis quam infirmitatē indoleret,
Die Sanctæ Crucis, ad crucis præmia decessit.

P. IOANNES QVADRA.

Qualis esset futurus, ipsa docuit pueritia,
In qua voluntariam paupertatem, voto promittēs,
Id continuo perficiebat, quod cæptum erat.
Vt se talem exhiberet, qualem eum esse decebat,
Quem Deus elegeret.
Magistrum in Ludo,
Oratorem in templo,
Iudicem in Tribūnali penitentix.
Virtutes coluit singulas,
Ac si non curaret vniuersas.
Cum videretur specie exteriori plus amænior,
Virtutum temperamento, reddidit grauiorem.
Corpori suo ea damna intulit,
Vt cucurbitulis locum medici non inuenirent
Cum omnium animos in se vno seruaret,
E viuīs sublatus,

Omniū lachrymis, decoratus est.
Præcis id occinentibus,
Preciosa in conspectu Domini, mors Sanctorum eius.

P. MARTINVS OLAVIVS.

IN vrbe victoria, Triumphator futurus nascitur.
Stipem Compluti, primus S. Ignatio cum fœnore contulit.
Vt nouum orbem Cælo vœtigalem faceret,
Instructam Bibliothecâ nauim,
Nouum armamētarii genus, præmisit.
Intantum opus animum vt ampliaret,
Arctatus est in Canobio.
Cum ad omnes religiones propensus esset,
Sola Societate excepta,
Ab hac vnica monente Deo
Exceptus est.

Virtutem doctrinâ, doctrinam virtute illustrans,
Nunquam discere renuens, nunquam docere dedignatus.
Ad metam nunquam properauit,
Quod nullam virtuti præfixisset,
Dum obitum Sâcti Ignatii amicis in vrbe nunciat,
Sæuiente Canicula, concidit.
Illud intermortuis vocibus ingeminans,
Non intres in iudicium cum seruo tuo Domine.

P. LEO LILIVS.

IN Societatem IESV receptus,
Liliorum ordinem existimans,
Verum se Lilium exhibuit.
Vita & moribus candidus,
Odore probos attrahens,
Improbos repellens,
Laboribus valetudinem, cum attriuisset,
Disciplinæ muneribus solutus,
Libertati, reparandæ valetudinis traditus,
Obedientiæ Filius,
Perniciem & seruitutem eam existimans,

Tanquam,

Tanquam re illicita abstinuit.
O Verum Liliū:
Quod non luxuriat, nisi inter spinarum aculeos.
Philosophus Christianus,
Qui mortem non timuit, cum nec amaret vitam.
Manibus date Lilia plenis,
Nec tu pullatam fer Libitina togam
Candido enim Lilio parentandum est.

P. R O D E R I C V S
M E N E S I V S

I llustris Sanguine
Virtute illustrior
Illud alienum, hoc illius proprium.
Caduca respuens ne caderet,
Inuito mundo & propinquis,
Ad Societatem à Deo inuitatus est.
Ita in diuina Concessit, ut ablatus ab humanis crederetur.
Ab amicis ideo hostis habitus, quod dissimilis.
Plus amans Lacernam, quam purpuram.
Vtilissimis decoratus visionibus,
Monstrum se agnoscens,
Cum se optime inspiceret.
Summis doloribus pressus,
Inter omnium lachrymas,
Latus, Letho peremptus est.

P. P E T R V S C O D A C I V S

E Pontificia Familia oriundus,
In Pontificiam transit cohortem victurus.
Nihil vnquam habuit quod causa Dei non daret.
Marthæ sibi munus vendicans,
Nihil nosse volebat, nisi necessitates omnium.
Templum & domum sua cura Societati prouidit,
Quidquid enim optare poterat, vilis est impetrasse.
Commune factus ærarium,

H₂

Conscio

Conscio se, neminem vlla re voluit egere.
Asperioribus à S. Ignatio acceptus,
Suauissimum Patrem vocitabat,
Sic Patientia obsonante.
Ita addictus Societati,
Vt ne flagris quidem ab eius domo, expelli posset.
In limine S. Ignatii, repentè cum concidisset,
Qui omnium in vita doloribus condoluit,
Sine diuturno morbo,
Limen aternitatis attigit.

P. IOANNES CARRERA.

PRæcoci Senectute,
Adultam in pueritia virtutem,
Cum mature inchoasset,
In primordiis absoluit.
Vt in Societatem legeretur,
Memoria promeruit.
Innocentiam in eo ætas, non minuit, sed auxit.
Beatissimum tutelarem, sic expertus familiarem,
Vt à vigili custode, ad orandum excitaretur.
Pigritans
Ab eodem in pænâ, per aliquot dies relinqueretur,
Sed post,
Amantium iras, successit amoris redintegratio.
Missus ad obeuntis solis Indos,
In Florida & Mexicano cum satis laborasset,
Quieuit.

P. IOSEPHVS ANCHIETA.

Orientis Felicitas,
E Fortunatis Insulis exorta,
Octauum vniuersi orbis miraculum,
Alter Orientis Thaumaturgus
Cum vellet optimos omnes, se omnibus meliorè,
Societatis

Societatis IESV normam viuendi complexus,
Norma omnium virtutum factus est.
Particularem domum habere nolens,
Orbem nouum adiit.

Vbi,

Senes bene mori docuit, pueros bene viuere,
Feris cum ademisset feritatem,
Expertus est difficilius hominibus, quam feris imperare.
Commune factus oraculum,
Cum etiam futura prædiceret.
Iniuriis cæli minime obnoxius,
Quod nunquam cælo iniurius fuisset.
Cum suis laboribus beasset Brasiliam.
Nullum genus mortis extimescens,
Corporum & animorum medicus,
Infirmis seruiens, morbum contraxit
Laboribusq; cum vita finem posuit.

PETRVS CORREA.

Nobilitatem & viuendo, & nascendo fecit amplissimam,
Brasilici nominis eximius insectator,
Zelo postmodum meliore animarum zelator.
Societati IESV ideo nomen dedit,
Vt quam plurimos è Brasilianis amicos Dei faceret:
Veteresq; iniurias obliteraret nouis officiis.
Sicq; de suis hostibus, amicus triumphauit.
Grauissime vulneratus in capite,
Obodientiæ medicâ manu subito conualuit.
Lanienam corporum, cum non posset cohibere,
Animabus consuluit.
E succidaneis Orci victimis, Dei efficiens hostias.
Cui vitam & virtutem dederat,
Eo duce barbari illi abstulerunt.
Sed
Nunquam securior visus est, quam cum periret.

P. ANDREAS OVIEDVS.

Naturæ bonis optime vsus,
Vt non data, sed parta, viderentur.
Sapientibus Apollineam Laurum præripuit.
Ne fulmina hostium sibi nocerent,
Syluescere metuens, syluas cogitarat,
Nisi Sancti Ignatii monitis,
Intempestiuam in causa Dei, intellexisset esse quietem.
Igitur ab cremo ad vrbes,
Ab vrbibus, in nouum orbem, destinatur.
Coactus suscepit insulam
Qui libens in remotissimas pergebat Insulas.
Hyperendymate & annulo ornari noluit,
Ne lacernam paupertatis exueret.
Regiam Abassinorum, Christi Regno subiiciens,
Regem Adamantem, intractabilem expertus.
E Palatio, ad carcerem d-ducitur,
Cum sæpe eum permutasset, i uquam animum,
Turcis surreptibus, exitit inuisibilis,
Quod ad eius aspectum excutit. it.
Cum iam preciosus esset calo,
Pretiosam mortem, vitæ meritis emit.

P. MICHAEL LAE- TAVALLIS.

Vir laboriosæ Charitatis.
Vt prima ætas puerorum maturesceret,
Repuerascere eum non piguit.
Senas cum quotidie horas, in ludo consumeret,
Non delassabat temporis longitudo,
Nec pueriles nugæ, commouebant,
Sexcentorum Cõfessiones ordinarias cum audisset,
Alimentum corpori esse dandum reuocantibus,
Alium se cibum comedisse dictitabat;
Sola conuersione animarum faciendus.

Viueret

Viuere nesciens, nisi vitam omnium tueretur,
Peste grassante, exhibuit se medicum,
Bacchante inferno, Christi militem.
In virtutis viam cum alios deduxisset;
Ipse absoluit.

P. FRANCISCVS
STRADA.

Futurus Neapolitanus miles,
Militiæ Dei, per Sanctum Ignatium, adscriptus est.
Gloriam ex moribus appetens,
Non minus quam ex armis quæsitset.
Virtutem primis annis,
Simul promisit, & exhibuit.
Vix adolescens, & iam pauperum Pater.
Disertissimus Christi Orator,
Æque in dicendo, ac in agendo, vitia fugiens.
Non persuadere, sed imperare visus est.
Gallico Hercule fortior:
Qui non auro homines attraxit,
Sed ab auro retraxit.
Non auribus victos,
Sed corde.
Brixia Centenos Adoloscens Oratione,
Ex vrbe, ad claustrum euocans,
Ostendit quid posset Christiana eloquentia.
Dixisses Cyneam Telsalum,
Cum non Pyrrho sed Christo,
Ciuitates vi dicendi adiungeret.
Dixisses Timotheum Poliorcetem,
Cum vitiorum castra & propugnacula
Eloquentia expugnaret.
Tota vita Orator Christi,
Et voce & moribus,
Cum vita, conclusit dictionem.

BERNARDVS CAN- T A B E R.

Vulgi opinione & voce, Sanctus habitus.
Torrentium vortices sicco vestigio sæpius transgressus,
Profundius descendere non poterat,
Cum iam in imo fundo humilitatis
Constitisset.

Virtutis veteranæ, Prototypon Tyronibus factus.

Vbiq; suo commodo intentus,
Recenti tyronum feruore aluit suum.

Subleciua captans tempora,
Prodigus temporis esse noluit,
Cum esset avarus meritorum.

Orandi constantia,
Hostis sese in varias figuras transformantis,
Vicit inconstantiam.

Sanitatem vt aliis daret,
Suam periculo obiecit.

Verus Christi pauper.
In nosocomio sepultus est.

P. D A N I E L P A I E- B R V C K.

Patris Fabri Præda.

Vir Apostolici Spiritus.

Laboris amantior, quam quietis.

Felicem se reputans, cum miserorum caulis attenderet,

Nihil sibi vsurpans, nisi calamitates proximorum,

Nunquam se miserum doluit,

Nisi cum videret se cum aliis pati.

Sæpe læsus, semper lætus.

Apud Mamertinos,

Cum inimicitias extinxisset,

Superstitiones sustulisset,

Palæstinis vt prodesset,

Iudæos

Indæos vt conuerteret,
Græcam & Hebræam,
Quidquid ab animarum cura luperfuit,
Mira parſimonia temporis didicit.
Cum ageret animam,
Ad ſolennem profeſſionem admiſſus;
Ultimo Spiritu ſe Deo conſecrans
Natali Chriſti die,
Æternæ natus eſt vitæ.

GREGORIVS CABEDVS.

OB maturitatem mortum,
Senex natus credi poterat.
Fallacis Sæculi cognita fraude,
In Societatem IESV tranſiit.
Ne quid ſibi profani adhæreſceret,
Herculis nomen reiecit, Gregorii aſſumpſit.
Cum valetudinis cauſa,
Romam, Peruſiam, Lauretum eſſet traductus;
Qui peregrinus mori deſiderauerat,
In ipſo itinere ad Patriam,
Animam apud Fanum Fortunæ efflauit
Æternum fortunatus.

P. HIERONYMVS NATALIS.

Dignus Sancto Ignatio Filius.
Societati adiunctus,
Prouecta & confirmata ætate,
Virtutem in ea effecit prouectam.
Eo citius perfectionis iter abſoluere ſatagens,
Quo ſeriùs inchoauerat,
In hoc mirandus.
Quod ſe eſſe non crederet, quòd erat,
Niſi mutuatus à virtutibus radius
Eum proderet.

K

Cum

Cum summos magistratus obiret,
Vice Generalis,
Comissarii, Absistentis,
Prouincialis,
Nemini deesse curauit.
Rationem viuendi per Prouincias vulgaturus,
Factis, & voce promulgauit,
Principibus æquè carus, ac utilis.
Meritis ætatem adæquans,
Tyronibus emeritus Christi miles idea factus,
Plenus dierum ac bonorum operum,
Resurgenti Christo, è tumulo
Obuiam,
Ad tumultum delatus est.

P. E D M V N D V S
A V G I E R I V S.

Vix ex ephebis excesserat,
Cum de mundo excessit.
In Societatem IESV se recipiens,
Optimas disciplinas ita coluit,
Vt mereretur habere,
Ita habuit, vt à nullo dedignaretur accipere.
Patriæ eam pietatem præstitit,
Vt piam faceret.
Pestem Lugduno, tam corporum, quam animarum,
Illam laboriosa industria,
Hanc doctrina depulit.
Cum etiam ab hostibus amaretur,
Nec posset satis amari,
Incurrit in odia.
Iamq; Pater patriæ, parricidio pelleretur,
Nisi suauis & efficaci voce Eloquentiæ,
Ex hostibus, Seruatores suos fecisset.
Dignus Caroli Regis amplexibus,
Qui in sinu Dei quiescere debuerat,

Ciuiilibus

Ciuiilibus bellis, è Patria pulsus,
Nouocomii extinctus,
Veram Patriam inuenit.

IACOBVS SARAVIA.

PAuperum Quæstor,
Neminem egere permittens.
Labore suo, pauperibus subsidium, elaborauit.
Liberalis in homines,
Ne esset parcus in Deum,
Se ipsum Deo in Societate donauit.
Marthæ Officiis intentus,
Id quod vnicum, & necessarium est,
Non neglexit.
Officiis & occupationibus,
Se mutuo concedens,
Non donans.
Colaphum immeritus, cum accepisset,
Tanquam pro beneficio gratus exiitit,
Cum in prædones offendisset; sua securitate defensus,
Rosario plus quam armis, confisus.
Supremo tempore; maximum Dei donum prædicabat,
Quod in Societate IESV moreretur.

P. IOANNES PEL- LETARIUS.

TError Hæreticorum.
Amor Fidelium.
Illis timendus, quod minus esset notus,
His amandus, quod non ignotus.
Cum appeteret quæ minabantur,
Contemneret quæ pollicebantur,
Nec tolerari, nec vinci potuit.
Diux Mariæ Doctor appellatus,
Quod virginis Laudes, continuo prædicaret;
Honorisq; illius iacturam vitâ repararet.

In vinculis libertatis suæ memor,
Timendus iis extitit, qui timeri voluerant.
Vinciriq; animum non posse ostendit.
Carcerem ideo amavit,
Non quod lateret,
Sed quod cum perditis, iam non viveret.
Cadurcensem Episcopatum,
Beneficio morbi effugit.
Ob continuos enim labores,
Tabidus dicere poterat:
Tabescere me fecit Zelus meus.

P. IOANNES AL.
VARIVS.

Virtute suorum notus, notior sua,
Quibus Præfuit ita profuit,
Vt Angelica sua puritate,
Ipsæ Aedes,
Domicilium Angelorum vocarentur.
Vitam dedit animis, reddidit membris.
Sæpe progressus in forum,
Intempestivum in bona causa existimabat silentium:
A Ludo ad Seria,
Ab exagitandis tauris,
Ad meliorem venationem auocabat.
Lachrymis eloquens,
Quibus sua inest vox:
Mediam dum abrumperet dictionem,
Emendatione auditorum concludebat.
Archetypon Patientiæ,
In Summis doloribus,
Mortem potius quam vitam agens,
Cum eam commutaret,
Illis qui morientis se commendarant,
Vitæ mutationem impetravit.
Etiam tunc Zelosus.

P. NICO.

P. NICOLAUS

GAUDANUS.

Oppressæ veritatis gaudium,
Liberatæ Securitas.

Nunquam pacem amavit, quæ cum fide pugnaret.

Verus Christi miles,
Sæpe ante signa præcurrens,
Ne quis palmam præriperet.

Consilio Dux,
Labore miles,
Ut dignitate cæteros,
Ita meritis antecessit.

De hostibus Ecclesiæ sæpius victor,
Victos Beneficiis obruit

Valetudinem medicorum iudicio prostratam,
Laboribus & vigiliis recuperavit,
Nouo medicæ artis inuento.

Nuncius Pontificius in Scotia,
Interiisset,

Nisi Gallus mercator,
Errore pro Gaudano interceptus,
Tergum verberibus opposuisset,
Hac merce nobiliori opulentior.

Gaudanum,
Louanio, Ingolstadio, Vormatiæ,
Abstulit.

Inuidum felicitati fatum.

P. EMANUEL NO-

BREGA.

Concionibus Stradæ
Ad Societatem vocatus.

Ei vitam donauit, à quo acceperat.
Sciens nullum melius posse seruare
Quam qui dedit.

L

Iussus

Iussus scripto, testari suæ voluntatis desideria,
Scriptis.

Vellem nescire quidquam velle,
Sed in omnibus Christum, & hunc
Crucifixum velle.

Paupertatis ambitiosus ostentator,
Lacernam & detritum galerum
Suæ Matris carissima ostentabat munera.

In Brasiliam missus,
Vi tempestatis naufragus,
Portum cælestem cogitans;
Cæteris desperantibus,
In eo anchoram spei iecit.

Cum tantum hominem Brasilia non caperët,
Cælum accepit.

P. CORNELIVS CROCVS.

HOræ vndecima, ad vineam Christi accelsit,
Diurnum tamen denarium promeruit,
Feruens operarius,

Qui ceteros & assequeretur, & antecelleret.
Ad portum Societatis, multis meritis,
Onustam nauim applicuit:
Id contendens,

Ne in portu naufragium faceret,
Æstum Sæculi fugiens,
Vmbra religioſam quæſiuit.
Noxio tempore urbem ingressus,
Cælum commodo.

P. IOANNES NVNNIVS.

Ioannem Nunnium
Pietas Societati parauit,
Dei beneficentia dedit.
Pro pauculis hominibus,
Mukorum filiorum Abbas futurus,

Matre

Matre Dei vocante,
Regna & orbem, animo capaci complexus est.
Dignus cui inuito Patriarchæ dignitas imponeretur,
Pedisequa enim corporis umbra,
Virtutis honos est.
Iure dubitabis, maioremne dignitati contulerit,
An à dignitate retulerit dignitatem
Cum honores fecit virtuti vestigales.
Ad omne humilitatis ministerium primus;
Obedientiâ tantâ,
Ut quî versiculum sæpius sibi occinebat,
At tu sæue Aquilo nunquam mea vela videbis.
Is agens animam, vel pridie expiraturus,
Ignatio innuente,
Aquilonibus se libens committeret.
Fatigari nescius in terris,
Aditum dum in Æthyopiam præstolatur,
Ad cælum inuenit.

P. I O A N N E S P O.
L A N C V S.

Turriani fidelis Socii exemplo,
Ad Societatem animum appulit.
Nihil se scire reputans,
Nisi se ipsum sciret nescire.
Cum ex Philosophicis, & humanioribus satis hausisset,
Sub S. Ignatii disciplina,
Velut sub Chirone altero christianus ereuit Achilles
Sancto Ignatio.
Lainio, & Borgia.
Velut Alcides, in suffragium Atlantis accitus,
Totâ vitâ pondus Gubernationis sustinuit.
Inter varios occupationum euentus,
Inuariatam frontem, testem animi tranquilli, exhibuit.
Herculi suppar, non vnum fatigauit Euristeum
Cumq; Hæreticos, semper confecisset,

Non victus proditione, sed victor virtute,
Romæ sexagenario maior moritur.

P. FRANCISCVS SVAREZ.

Virtute & doctrina facile Princeps.
Alter sæculi nostri Augustinus.
Monstrum ingeniorum,
Non Africæ, sed Hispaniæ.
Cum omnium ingenia, in se collegisset;
Sine noxâ viuens,
Sine suspitione erroris docens,
Dignus euasit præceptor, sub quo erudiretur mundus.
Cum ipse Romæ, non ipsi Roma sufficeret,
Salmanticam, Pinciam, Conimbricam,
Virtute & doctrina illustrauit.
Ita Deo coniunctus,
Vt à terra, corpore, auelleretur.
Plurisque æstimaret, vnâ horam de Deo meditâdi,
Quam scientiam vniuersam.
Ita Ecclesiæ Dei carus,
Vt illius libris iniuriam illatam,
Purpura ei oblata vindicaret.
Cum Deum descripsisset ac si vidisset.
In cælum translatus, id quod scripsit,
Contemplatur.

P. THEODORICVS AMSTERODAMIVS.

Consularis Sanguinis germen.
Disciplinas aptus ad omnes,
Propensus ad singulas.
Societatis Ornamentum.
Quem Martinus Olavius,
Ex vniuerso Seminario Romano,
In Sementem Dei destinauit.
Vir

Obedi-

Obedientiæ Exquisitæ,
Modestix Singularis,
Zeli insatiabilis.
Dignus cui Vienna in cælum,
Propempticon Angeli cecinerunt.

P. PHILIPPVS FABER.

UTraq; ætate, & humanæ vitæ, & religiosæ prouectus.
Dies & annos non habuit vacuos.
Nunquam enim vacationē sibi ab opere concessit.
Mortem prouocare non metuens,
Cum eam causa Dei, in beneficiis, posuisset.
Mutinæ sæuientibus morbis,
Ut Christo in pauperibus seruiret,
Vitam eius causa posuit,
Qui sui causa posuerat.
Præbyterorum sepulchro conditus,
Qui verum pastorem egerat,
Animam suam ponens pro ouibus.

ANTONIUS LEGA.

POSTquam diuinis præceptis, in omni vita paruit,
Ad consilia Christi fecit gradum:
Aurifex artificio, & industria,
Cum pretiosam mortem meritis sibi pararet.
Religiosarum legum, etiam apices obseruans;
Ne vnum iota prætermisit.
Cæsarianæ virtutis æmulator,
Egènum à conspectu tristem, nunquam dimisit.
Apostolici muneris imitator,
Mensæ domesticæ reliquias colligebat,
Ne pauperibus perirent,
Industria caritate,
Sexagenarius iuuenili animo,
Plurimorum subleuans inediam;

M

A paupc-

A pauperibus ad æterna tabernacula
Est receptus.

PALPHONSVS DEZA.

Maximæ spei
Non irritus fructus.
Antequam de se victoriam Deo concederet,
Velitatione annua vsus,
Decretoriis armis Deo decertante,
Per morbum corporis, medicinam animi accepit.
Hærentis in salo nauiculæ, funem magis præcidit,
Quam soluit.
Viginti & amplius annis, sacram scientiam professus,
Non magis calamo, aut voce, quam factis docuit.
Cum summo ingenio, perfectam humilitatem,
Cum singulari doctrinæ, admirabilem obedientiam.
Coniunxisset.
Desiderium sui reliquens.
E viuis ablatum est.

P. RICCIARDVS
CERVINVS.

Marcelli secundi Pontificis nepos.
Maiorum gloria nobilis, nobilior sua.
Quæ iucunda suauiaq; vulgo habebantur,
Illi spinarum instar, ac fellis fuere.
Cum solus saperet Deus.
Felix Genitor, qui spontaneam obtulit hostiam,
Ricciardum.
Ingrata Patria,
Quæ Patrem Patriæ, ita inurbanè suscepit,
Vt pro Collegio domum probationis,
Vir in omnibus probatus in ea inueniret.
Sed sapienti ubiq; Patria,
Cervinus ubiq; carissimus,

Dum

Dum rationes sui officii explet,
Proxime eam domū reliquit, mortalitatis exuias,
In qua Deus, nostri causa suscepit.

L V D O V I C V S A L M E I D A.

In ultimos Orientis fines,
Animas non aurum secutus,
Lucrum Christianum exercuit.
Chirurgus arte, corporibus succurrens,
Animas sui laboris pretium fecit.
Infantibus ut Christum cum lacte instilaret,
Christianas conduxit nutrices,
Vacino lacte repulso,
Ne belliarum feritatem, fugerent ab vberibus,
Caritatis Christianæ sinu fovit.
Ipse ab lactatus à sæculo,
In Societate IESV.
Gratia curationum, auxit
Orientis Ecclesiam.
Ita ceteros excolens, ut sibi similes faceret.
Cum iam pluribus salutem corporis, & animi attulisset,
Immortalitatem sibi acquisiuit.

P. P A V L V S G A M E R S.

Socius Sancti Xaverii
Goanis prius Fama notus, quam de facie.
Homo alterius vitæ.
Christianæ libertati, primus pretium fecit,
Cum ex emptis mancipiis, Christi liberos,
Et multorum liberatores faceret.
Goa nunquam exire permissus,
Tota tamen India virtute notissimus.
Vigiliis sopitos excitans, ieiuniis famelicos pascens.
In nosocomis domesticus.
Senio confectus, & laboribus, effugit ex oculis,
Non ex animis hominum.

P. IACOBVS LE.
D E S M A.

Ex Complutensi Academia,
In Christi scholam transit.
Vt ibi mysteria disceret,
Quæ Sapientibus absconduntur, reuelantur paruulis.
Ita hæc didicit,
Vt sui contemptum amaret, dum se non amaret.
Splendorem sapientiæ, umbram existimans,
Sine radiis Sanctitatis.
Oraculum vniuersi orbis factus,
Anno Iubilæi à Gregorio decimo tertio,
Cum neminem inauditum dimitteret,
Iubilæi Anno, Christi seruus,
Libertate vitæ beatioris,
Donatus est.

P. IOANNES FER-
DINANDVS.

DOctrinam in Societatem secum adferens.
Pietati æterno fœdere iunxit,
Vt esset pie Doctus.
Cōfessionibus ædificans & destruens,
Dei habitacula, & scelerum officinas.
Oris diligentissimus Custos,
Ne aperto vasculo odor pietatis expiraret.
Zelosissimus Operarius,
Cum inter medios hostes, Dei amicos faceret,
Et inter arma lethaliaq; vulnera,
Pacem cum Deo, sanitatemq; reduceret.
Sæpe etiam ab hostibus telis impetitus.
Suorum incolumitatem negligere nesciens,
Obitus sui diem prænuncians,
Æternos siue nocte dies inchoauit.

P. A N

P. A N T O N I V S
P O S S E V I N V S

A d disciplinas ita propensus,
Vt infomnem facerent.
Ita in acquisitione earum cautus,
Vt è præceptoribus Calabrum & Genuam respueret,
Cum ille errores Auerois, hic Arabis saperet.
Historia scribenda ab ingressu Societatis eum retardabat,
Qui facta sua posteris relinquere debuerat,
More ceruorum quod animo parturiebat, peperit.
Cum vox Domini præparantis ceruos,
Per Leonetum intonuit.
Cum veritatem plus amaret, quam Principum gratiam,
Sueciæ, Poloniæ, Moschouiæ
Vtilis adfuit Orator Pontificius.
Incertum fecit
Plurine calamo, an voce præstitisset.
Cum & reuocantibus ipse præiret,
Et quòd suadebat verbis, exemplis confirmaret.
Dignus qui veritatis annos æquaret,
Cum iam illam superstitem reliquisset
E viuis excessit.

P. I O A N N E S R A M I R I V S.

E veterano Ecclesiæ milite,
Societatis Tyro factus.
Eadem Luce, quâ Deus assumpsit hominem;
Deposuit veterem hominem,
Ita ab infante factus eloquens,
Vt vna Concione triginta à quæstu exitiali abstraxerit.
Quadragesimalibus vero concionibus;
Ducentos claustris religiosis incluserit,
Nunquam enim se facundum existimabat
Nisi vinceret.
Cum de vitijs linguæ diceret,

N

Chriso

Chrisostomum existimales,
Nisi esset tolerantia ferreus,
Nosocomii pedores, Paradyfi existimans odores,
E terris ad Paradisum cæli abiit.

P. GREGORIUS DE
VALENTIA.

Inter Theologos sui temporis nulli secundus,
Inter pios primus.
In Societatem se subduxit à Sæculo,
Non quia timidus, sed quia prudens.
Cum omnium animos teneret,
Venalis omnibus fuisset, si habuisset precium.
Instituit Homericum certamen,
Cum à Parisiensibus & Poloniæ Regibus postularetur.
Sæpius Clemente Octauo auditore, disputator,
Ab eodem Laurum tulit.
Tandem mortali vita deposita
Immortalitatem stilo & virtute promeruit

P. OLIVERIUS
MANAREVS.

Fertilis Christi gleba,
Ex semine verbi Dei,
Centesimum attulit fructum.
Cum è Stradæ Concione,
Dei horreo illatus est,
Æliam nostri sæculi dixeris,
Cum multiplicaret farinam;
Christi imitorem,
Cum quinque panibus domesticos Dei pasceret,
Sed
Illud magis mirandum.
Quod vlcisci cum posset noller,
Miseris donaret omnia, molestis condonaret,
Gallias

Gallias cum autoritate sua defendisset,
Laboribus beasset,
Cælo debitus, sublarus est.

**P. HIERONYMVS
DOMENECVS.**

Valentinæ Ecclesiæ Canonicus.
Ex hospite Parmæ, domesticus Dei,
Ex Lutetiæ Peregrino,
Viator cæli factus.

Iratis reconciliandis præcipuum instrumentum
Sancto Ignatio,
Quod autoritate plurimum valeret,
Nec ipse vnquam commoueretur.
Ex peccatricibus Magdalenas,
Ex vsurariis Zachæos,
Cum plurimos effecisset.
Desiit viuere.

Beata Italia quæ talem meruit habere
Qui Diuina posset docere, ac patrare.

P. THOMAS COTHAMVS.

In Anglia natus,
Vt martyrio pararetur.
Martyr videri poterat, antequam esset.
Vix aliquem virtus durius exercuit.

Doroberniæ interceptus,
Trium annorum carceris molestias expertus,
Sibi ipse panas auxit,
Cum eas amaret.

Lictorem complexu suo, amicum Dei effecit.
Reginam caput Ecclesiæ pernegans esse,
Caput laqueo amisit.

Purpuratus Christi miles,
Etiam moriens cilicium non deposuit.

FRANCISCVS ARANEA.

Aurum gloriam auxit, suis virtutibus.
Quas cum Decennio exercuisset,
Fidei Testis,
Cervice vulneratus, non concidit,
Quod magnanimum caput, in terram deprimi nesciret.
Inter vepres latitans,
Rosas sanguine cruentabat,
Sertum suo triumpho præparans.
Deuota superis victima,
Cuius Sanguine barbari Idolis sacrificarunt,
Christi Araneus,
Cum se culceraret.

P. PAVLVS DE VALLÉ.

Multæ virtutis homo,
Sic Sancto Xauario attestante.
Ita desudauit in Comorinensibus excolendis,
Ut sine Tyranni gladio, posset occumbere.
Tandem eo genere felix,
Quod infelicior eo inueniri vix posset,
Cippo Coercitus,
Fame interiit,
Conuiuio cæli exceptus.

EMMANVEL FER- NANDEZ.

Securitatem ut daret aliis, sibi rapuit.
Perditos cum tollere veller, corrigere contendit.
Quibus fuit moribus contrarius, in eorum incurrit odia.
Dum diuini verbi gladio
Illicitos amores diuidit,
Vulneribus confectus obiit.

P. IGNA.

P.IGNATIVS AZE-
BEDIVS.

Genere & pietate illustris,
E fortunatis Insulis, Brasiliæ fidem inuehens,
Cælo inuectus est.
Ne deessent sibi maris aquæ,
Sanguine auxit.
Ne deessent amica Sydera nautis,
Deiparæ iconem tenens,
In mare deiectus,
Cum hac Cynosura,
In cælum appulit.

P.DIDACVS ANDRADA.

Vir nomine & animo.
Ultimam tabulam, post naufragium dum aliis porrigit,
Pugionibus confossus,
Tanta in Deum charitate occubuit,
Ut debitorem se sanguinis Christi agnoscens,
Sanguine debitum reddere curarit.
Ultima voce id protestatus,
Fundamus pro Christo sanguinem,
Qui pro nobis fudit suum.

P. PETRVS VENUSTVS.

Pulchritudine animi Venustus,
Cuius in se aliq̃ curam, maximam habuit.
Vitia aliena nesciens, nisi ut corrigeret,
Ærumnas omnium sciens, ut curaret.
Hostibus dum benefaceret,
Vulnera gratitudinis loco recepit.
Qui Ioannem Baptistam, & Paulum, morte imitari optabat,
A Clerico cæcio debita victima
Imolatur.

P. EMMANUEL NIGER.

Moribus Candidus,
Morte Martyr purpuratus.
Iniuriis hostibus, Eucharistiae Sacramento,
Vitam iniuriis hostium exposuit.
Ut eas voce & sanguine vindicaret.
Nunquam vilis huiusmodi.
Quam cum securi caput subderet.

P. AEGIDIUS GONZALEZ.

Natus cum Lumine,
Non esse se tenebrarum filium, nascendo probavit.
Fulgur & fulgor futurus,
Ut hoc bono attraheret,
Illo malos terreret.
Fulgere nunquam desinit.
Saepe non desinit, fulgurare.
Ingenii & doctrinae magnitudinem,
Virtute perfecit.
Pugnasse se pro veritate, non reputans,
Nisi etiam vulnera accepisset.
Memoria antiquitatis incredibili,
Statuta, Decreta Pontificum,
Omnia cum teneret
Madriti, quod mortale habuit, deposuit.

P. ANDREAS SCHOTTUS.

Christianus Curtius,
Qui pro Salute Patriae,
Non in voraginem,
Sed in Societatem IESV se deuovit
Sibi, & Patriae, salutem allaturus.
Paschatis festo ex Aegypto,
Ad terram Religionis transit.
Vir de re literaria bene meritus,
Dignus quem paginae non taceant.

P. FRAN.

P. FRANCISCVS
TVRRIVS.

Helluo librorum.
Cum Bibliothecas illustiores, Italia lustrasset.
Editis à se libris auxisset,
Pontificius Theologus.
Natalitio Domini die,
Natus Deo in Societate est.
Vbi ætate prouectus, refluuit
Virtute etiam, & non sola ætate cæteros antecedens,
Stilo certauit cum voce non posset,
Tandem die Præsentationis virginis, è viuis abiit
Vt festum illud in cælis ageret.
Quod iam abolitum, sua industria in terras reduxit.

P. MARTINVS CLAVIVS.

Triumphis natus ex Oppido victoria.
Vir ingenio, Iuditio, Eloquentia, paucis comparandus.
Concilio Tridentino nomine Othonis Trulchis Card:
Dum adesset.
Bono olore Societatis attractus est.
Primus Theologia, in Romano Collegio professus.
Cum Sancto Ignatio parentalset
Decimo octauo die, Parentem Filius.
Ad superos secutus est.

P. MICHAEL BRILMAECKIER.

Ita disciplinis eruditus,
Vt in eo encyclopædiam inuenires.
Præceptorem etiam imbuens artibus,
A quo fuerat imbutus.
Principibus carus, cum nihil dissimularer.
Hæreticis hostis, quos vita, voce, stilo vrgebat.
Calamo ita efficaci vt silerent.
Amicitia prætextu, nil tale cogitantem.
Veneno sustulerunt.

P. ADRIANVS IVNGIVS.

Patria & moribus Sarmata.
Etiam vltra montes, probos natci, & ali posse probauit.
Ita Doctus
Vt Mineruam Athenis, rapuisse visus sit
Ita fortis,
Vt Armata Pallade, Hæreticos in triumphum duceret.
Ingenti animo vir.
Solo Eucharistia Sacramento,
Et codicum Sacrorum lectione.
Saciandus.
Cum pro Deo vsq; ad defatigationem laborasset.
Quieuit.

P. IOANNES VVCHALIVS.

Patria Læopolitanus.
Romæ in Societatem adscitus,
Suum etiam Polonia, Tullium dedit.
Facundum Eloquio, eloquentem virtute,
Qui improbos facundia superauit,
Coniuratos fidei hostes, vrbibus & Regno eiecit.
Optimam semper causam, tolerantia effecit.
Iniuriis patientia respondens,
Nunquam memor iniuria, nisi vt condonaret;
Neminiq; magis deuinctus, quam qui se laxisset,
Amicitiaq; paranda, cum eo artem esse
Iniuriis afficere.
Quam carus esset Principibus, morbus ostendit,
Cum paralyti tactum, non nisi exanimem reddiderunt,
Quod vltimum Spiritum velient excipere.
Mausoleo procerum fuisset conditus,
Nisi modestia Societatis vis fieret.

P. BENE.

**P. B E N E D I C T V S
H E R B E S T V S.**

Maturus æuo, iugum Dei suscepit.
Feruore id compensas, quod tempori defuit.
Id quod pretiosissimum Italia habet,
In Poloniam detulit.
Virtutē illustrem Doctrinam.
Assuetus in vrbe spectaculis: Poloniæ
Seipsum utile dedit spectaculum.
Cum suo modesto conspectu, Hæreticos conuerteret,
Verus Caladrion, qui vitam intuitu consulit.
Cum iam in virtute, & ætate processisset,
Flexis genibus mortuus est.
Quod multæ Orationis virum, hic situs deceret.

**P. M A R T I N V S
L A T E R N A.**

Æ Polona Societate primus, morte sua Fidei testis.
Regum Ecclesiastes.
Nomini suo apprime respondens,
Cum Lucem veritatis, nec extinguī, nec ventulari permisit.
Ita ardens caritate.
Vt nunquam laboribus, pro Christo fatigaretur.
In mari Balthico ab Hæreticis demersus,
In cælum emerfit.
Etiam post inortem, vincula captiuorum dissoluens,
Libertatis Christianæ, & Polonæ amicus.

P. P E T R V S S C A R G A.

Poloni Sanguinis, & virtutis, ex asse hæres.
Qualis esset futurus, Concionator, edocuit antequam esset.
Ore & opere, Ecclesiastes vt esset,
Honoribus post positis, in Societate IESV,
Omnes partes oratoris didicit,
Cum asuevit bene agere.

Triginta annis, & amplius, Regibus Poloniæ, Concionatus,
Id effecit,

Vt veritas, regibus non displiceret.
Sæpe cum Regi dare non posset, nisi adimeret Deo,
Ingratus maluit videri, quam esse.
Religiosum se esse, inter aulicos memor,
Nunquam aulicum egit.
Cum vnus sibi sufficeret,
Ex aula non auro, sed meritis onustus,
Ad Claustrum rediit,
Clausulam vitæ religiosæ in adibus religiosis
Facturus.

P. STANISLAVS VARSAVICIVS.

Adulram cum ætate virtutem, Societati attulit.
A Spe honorum, ad sui Contemptum, animum transferens.
Sibi ipsi Pastor, peruiui futurus,
Episcopatum sibi oblatum repudiavit.
Indiuvina ita delatus, vt ab humanis ablatum crederetur.
Omnium nunquam oblitus, sæpe sui non memor.
Cum aliis præesset,
Auxit cum dignitate virtutes.
Bene meritis de Patria, Cæli patriam accepit.

P. MARTINVS SMIGLECIVS.

Vlr diuino ingenio.
Quo multos æquauit, plurimos superauit.
Diuinas & humanas scientias, ita coniunxit
Vt ab inuicem perfici posse ostendit.
Sæpe in eum Deus hæreticos allisit
Vt frangeret
Cum nihil haberet quod causa Dei daret
Docere nunquam desuit
Viuat etiam post fata in suis laboribus
Volitans per ora virum.

P. MAT.

P. MATTHIAS CASIMIRVS
SARBIEWSKI.

ROManus ore, natione Sarmata:

Cultissimi vir ingenii.

Alter Horatius.

Princeps Latinæ Lyra,

A magno calamo magna Elogia:

Maximo

Pœtæ, Oratori, Theologo:

Qui ea complexus omnia, quæ vix singuli singula.

Vates Lauream, ab illis accepit manibus,

A quibus Reges suas habent Aureas.

Annulum Sereniss: Vladislaus IV. dum misit.

Ad præconium æternitatis, symbolico hoc

Præfatio, admisit

Doctor Theologus.

Diuinam ita coluit sapientiam,

ut & ipse Diuinus appareret, & plurimos ad diuinitatē appareret:

Regius Orator.

Aulam sic coluit, ut cæli aulicum, facile colligeres.

Ad splendores Regiæ, oculos non retraxit,

Quod ab omni quidquid splendidum est, animum abstraxisset,

Tandem ut in partem sæculi Sancti veniret.

Et carmen sæculare, Nouus in cælo Vates inchoaret.

Ab aulâ Regis Polonorum, ad Aulam Regis Polorum.

Trito vel Regum vestigiis tramite, properauit.



4178

